

OMUKWATHI GWOMBISOFI



30c

No. 1

ISBN 0-620-06828-0

Omukwathi gwomumbisofi mu ELOC, a hogololwa kOshigongingeleteki

KuSebulon Ekandjo

Oshigongi shOngeleki onkwaevangeli paLuther yomuNamibia
ndjoka ya tseyika shito mefupipiko, ELOC, osha hogolola
omusita Matti Amadhila, a ninge omukwathi gwomumbisofi
ethimbo alihe miilonga.

Oshigongingeleteki osha li oshiti 12,
nosha gongalele tango eti
9-14.7.1984 mOngwediva. Sho sha
li inaaashi mana iilonga yasho,
osha tsikile 10-15.12.1984 mehala
tuu ndyoka.

Ompumbwe yokuhogololela omumbisofi
omukwathi a tya ngeyi, oya holoka po
unene omolwelongekidho lyokudhika iikan-
djoko yopaumbisofi mOngeleki ndjika.

Ekotampango epe nomauthompango
ndyoka lya kolekwa wo kOshigongi shoka,
otali gandja ngashinje yi oonkondo okutoti-
tha po iikandjo ya tya ngaaka mongeleki.

Amadhila, omusamane gwaanona yahama-
no, okwa gwini ehogololo nomawi 163 e
vule omusita Apollos Kaulinge nomawi 35
ngoka ya li naye meludhiko ndyoka.

Ehogololo olya ningwa nuumbapila
oshikando shotango noshitiyali noshititatu
moka lya ka pita. Omuhogololwa omutita-
tu, omusita Asser Lihongo, okwa gumo
moshikando shotango. Mboka ya li mo
moshigongi pethimbo ndyoka ye na uuthemba
wokuhogolola oya li ye thiike 300.

Konima yehogololo manga inaaku tsi-
kilwa niinima yilwe, omumbisofi Du-

meni okwi indile omuhogololwa Ama-
dhila a tumbule sha. Miitya ye Ama-
dhila okwa ti ngeyi:

“Onda adhikwa nda taamba nale
edhina lyandje li ye mehogololo. Onda
taamba etokolo lyoshigongi, ihe ondi
uvite kandi na oonkondo. Nandi tu-
mbule ano ngaashi Omuyapostoli
Paulus sho a lombwelwa: “Esilohenda
lyandje olye ku gwana, oshoka oonko-
ndo dhandje odha gwanene pombanda
muunkundi.” 2 Kor.12:9-10.

Okwa tsikile natango: “Onda zimine
omolwomauvaneko gaKalunga nogo
tandi inekele pamwe nekwatho lyoma-
galikaneno geni.”

Amadhila (42), okwa kala omuronateki gwo-
shitayingeleki shUuninginino omimvo
mbali ndhoka dha zi ko. Manga inaa ta-
amba oshimpwyu shoka okwa adhikwa a lo-
ngo mombelewa yomumbisofi konyala uule
womumvo gumwe, Amushanga gwe gwo-
ponto.

Oshigongi mowino washo wokutseya
shono tashi inyenge moongamba dhomago-
ngalo gasho, ngaashi she etwa po konkalo
yiita, osha tumine wo iilyo yomagongalo e-
tumwalaka lyetsomukumo nolyehekeleko,

opo oshigongi shoka shi li omuleli gwoma-
gongalo, shi holole puuyelete omadhiladhi-
lo gasho kaantu yasho.

Tala kep. 2



Omusita M. Amadhila oye wo a hogololwa
kElelongeleteki a ninge omupemuwiliki mE-
lelongeleteki

SHOKA SHA NINGWA PO KOSHIGONGINGELEKI

Pethimbo lyomutumba gwoshigongingeleteki oshitimulongo noshitiyali shOngeleki onkwaEvangeli paLuther yomu SWA/Namibia (ELOC), opwa ningwa oshindji shono tashi ka kwatelela mo onakuyiwa yOngeliki ndjika. Otatu tula iinima yimwe mpaka.

+ Oshigongi shoka osha kolekulula oma-lundululo ngoka omanene nogendji nokuli ga ningwa mEkotampango nomomauthompango gOngeleki, Okambo akehe konyala oka ningwa omalundululo.

Elundululo ndika olyo tali ka gandja ompi-to kOngeleki yi hogolole aambisofi ye vule gumwe nOngeleki yi topolwe miikandjongo-leki.

+ Oshigongingeleteki osha tokola edhina lyOngeleki li lundululwe li kale **Ongeleki onkwaEvangeli paLuther yomu SWA/Namibia (ELOC)**.

+ Oshigongi osha kolekulula chalo nedhi-ladhilo lyasho lyokuhangana noongeleteki onkwaLuther muNamibia, opo pu kale Ongeleki yimwe ayike yAakwaluther moshi-longo shika shetu.

+ Oshigongi osha gandja wo ohapu yelo-dodho kiilyo yomagongalo okuyanda iini-

gwanithwa shago shotango okulonga oshi-longatumo meni' nopondje yoongamba dhoshilongo.

+ Oshigongingeleteki otashi pangula no-kweekelahi ethiminikilo miita lyaalumentu Aanamibia mboka ya gwanitha oomvula 17-55, oshoka shika otashi lelepeke ashike iita nomasso notashi etele oshilongo shika iita yopashigwana.

Onke oshigongingeleteki otasni holola puu-yelele, kutya omukalo omwaanawa gwokuthikitha oshilongo shika memanguluko nomobili, ogwo okutula miilonga pwaa na omayongayongo oshitokolitho 435/1978 shIligwanahangano.

Natango oshigongi osha holola epandulo lyasho koomwayinangeleteki mOngongaha-ngano yAakwaluther nadhilwe muuyuni, nosho wo komahangano galwe omolweu-vitathanoko (solidarity), omakwatho pamagalikaneno, paimaliwa, pakugandja unnasikola sha kwatelela mo Aanamibia mboka ye li pondje yoshilongo.

Oshigongi otashi indile ayehe mbaka ya tsikile nomakwatho agehe taga pumbiwa kAanamibia sigo Namibia lya manguluka.

Jesus Kristus oye ombili yetu.



Ndeutapo na twikile: Oshoongalelengeleki sha ti

Konima yeenghundafana dile oshoongalelengeleki osha tokola ncawati 277 onhokolwa yasho yoshoongalelengeleki oshiti 11/1981, omupashukilishitayi-ngeleki shaKunene, omufita Noa Ndeutapo mefano pombada a pewe eennghono natango dokulonga oilonga yopaubishof fiyo okoshooongalelengeleki tashi ya.

Epulo nhumbi oilonga yopangeleki i na okushakenifwa moshitai shinya shokonima yongaba, okwa li la etelwa oshoongalele eshi komubishofi Dumeni.

Oshoongalele osha li sha koneka yo ondilo youmhito ava hava monika paife momashakeno opo pa dule okukwafafana mokweendelelifa etandavelifo levaangeli moiwana yaakwinya ngaashi ye shi pumbwa.

Oshoongalele osha dimbulukwa yo omhumbwe yelonegkido lokuyandja elifikameno koma-ngaolo a holoka metumo linya, nomekwatafan-laashi, oshoongalele osha kundafana nosha dimina eindilo lomupashukili Ndeutapo, opo va longife Omhangongeleki ikulu, ngashi ya longifwa komaongalo Ehanganotumo laSoomi mOwambo.

Mokambo aka otava dulu oku kufa mo sha osho tashi dulu okulongifwa monghalo yavo nove shi lundululile melaka iOshipitu. Elelongeleteki oli na okutala tete elundululo eli, fimblo inali tulwa moilonga.



Methano ndika pombanda otapu monika oshitaafula shewiliko lyoshigongi nokomeho iilyo yoshigongi, aakalelipo yomagongalo goshitayingeleki shaKunene.

ma myoka tayi yono onkalonawa yoshi-gwana pambepo nopalutu, ngaashi elongi-thonayi lyiikolitha nondhino yiipango ya-Kalunga.

+ Oshigongingeleteki osha kumagidha wo nokudhimbulutha omagongalo oshinaku-

Ethano olya thanekwa pethimbo lyohungi,moka oshilongatumo moshitayi shoka sha li tashi kundathanwa neitulomo enene. Ngoka ta monika e li omuthika, ogumwe gwawo ta fatulula iinima yimwe yometumo.

Oshilonga sheitaalo nondjambi yalyo

NOKWIITAALA AAKULUNTU YAMOSES YE MU HOLEKE OOMWE-DHI NDATU SHO A VALWA, OSHOKA YA MONO OKANONA OKA LI OKAWANAWA, YO INAA TILA OSHIPANGO SHOMUKWANIILWA ...

Edhina Moses mOshiheberi otali ti: **a yuulwa momeya.** Aakuluntu ye Amram naJokobed, oya za mezimo lyaasaseli, ezimo lyaLeevi. Okanona oye ka valele mu-Egipiti pethimbo lyoshipango oshidhigu shomukwaniilwa shoka sha li sha gandjwa kutya uunona auhe wAaisrael, uumati, nau umbilwe momulonga u sile mjo.

Oshipango shoka osha zile muumbanda, kutya Aaisrael sho ya li po taa indjipala noonkondo, pamwe onaa ka kutha ko nepangelo lyoshilongo. Methimbo lyetu wo otamu dhimbululwa iilonga oyindji yihuna tayi longelwa aantu, tashi zi muumbanda.

Ehupitho lyoshigwana shiyaka, Ombimbeli oye shi holola mpaka, kutya olya zile ashike moonkondo dheitsalo, hadha sha shilwe naando. Eitaalo ngele otali dhinwa methimbo ndika, otatu ike ko koshitayi, hoka tse twa londa ko.

Eitaalo olya longele maavalii yaMoses, olya longo wo muMoses ye mwene. Moses okwa simanekwa moshigwana she, sigo onena. Omambo gatano mOmbimbeli petameko ohagi ithanwa naye, oshoka omo une-ne oshilonga she tashi hokololwa nohaku tiwa gamwe oye e ga nyola.

Oye omugandji gwoveta yaKalunga, e yi thikithe moshigwana she. Aajuda ohaye mu ithana: **Moshe Rabbenu** nokutya Moses omulongi gwetu. Ombimbeli otayi ti, yo naKalunga poompito dhimwe oya kala taa popi ngaashi omuntu ta popi nakuum ke. 2 Mos.33:11.

Okuza muunona we muuwa womukwanii-lwa moka a putudhilwa ongomwana, hela tuu a ningi omakutsi, kapwa li we sha mokukalamwenyo kwe, shono sha li shi muvulile ohole yoshigwana she. Naashoka inashi kuthwa kumwe nohole ye yokuhola Kalunga. Ov. 25-26.

Etha aantu yandje, osho ashike sha kala kondungu yelaka lye koshipala shomukwaniilwa omukukutu nomalenga ge ngaashi e shi pewa kuKalunga e shi ning. 2 Mos.5:1.

Moses kakwa li ta vulu okukala Moses ngaashi e li, ngele ando kapwa li oonkondo dhopaitaaloo nhoka dha longo muye. Nena shoka otashi tu pendulile epulo, kutya eitaalo oshike ano nani?

Omusita Veikko Munyika ote tu yamukula pafupi. Eyamukulq okwe li gandjele nale

moshigongi shimwe shaailongo aakriste o-mimvo dha piti, ehanganu ndyoka ngashinneyi e li omuwiliki gwalyo. Ota ti ngeyi:

Eitaalo ihali taamba kehe shimwe. Ihali ti, 'kandi na nkee ndi ninga, aantu ayehe osho ye li'. Okwiitaala oku na etompelo: "Mu itaale kutya Jesus Omuna gwaKalunga, opo mu kale nomwenyo." Joh.20:31.

Eitaalo kali shi oshiyimati shoondunge. Nonando oondunge otwe dhi pumbwa okwiitaala Kalunga, itaku vulu wo okweet-twa po koondunge dhomuntu. Eitaalo kali shi wo ontseyo yondjokonona yehupitho nenge ontseyo yOmbimbeli momutse.


Eitaalo tali hupitha olyo okuzimina nokute-gelela egwanitho lyomauvaneko ga ningwa-kuKalunga. Olyo iikala yomuntu naKalu-nega ke muudhigu. 1 Mos.15:6.

Eitaalo eyamukulo kohole yu ulukilwa o-mulunde kuKalunga. "Onde ku inekela, onkee onde ku itaala," osho eyamukulo lyomuntu kuKalunga. Eitaalo olyo oshikaha shomwiitaali okutaamba ehupitho meke lvaKalunga.

Sho oshigongingeeki sha kundana ompu-pu onene yaanashilo-moshitayingeeki shaKunepe kombi-niga yomalweendo gawo momikunda, o-sha tokola ongalo ndjoka ya zi melon-gelokalunga na-andjoka yu umbwa pethimbo lyohungi yetumo, dhi ka longi-thwe mokulanda oo-mbasikela okukwa-tha moshinima shoka.

Konima yoshigongi, oombasikela hamano odha landwa na-Amushanga gwomumbisofi Set Son Shi-vute, ota monika te dhi tala pombelewa-ngeleki nenyanyu e-nene.

Heb. 11:23-27



Eitaalo itali longo pamwe nomalimbililo, aawe. Otali longo niinima yi lwetike naambyoka wo yaa lwetike. Onzo yetaalo, oohapu dhaKalunga notali pendulwa mutse kOmbepo Ondjapuki.

Jesus ota ti: Nokaitaalo okashona, otaka vulu okuhupitha omuntu. Mat.2:13. Mboka ye na ondjuulukwe yokuhupithwa, oye na etalaleko ndika: "Kalunga oye tuu ta pendutha mune nehalo niilonga ohokwe ye yi gwanithwe." Fil.2:13:1-6.

Eitaalo lyetu kali shi lyomiikalunga nenge sha shilwe, ihe olyomuJesus Kristus. Il.4:12, osho Munyika a fatulula eitaalo.

Patekisti yetu mpaka, Moses okwa tulwa ngeyi momusholondondo gwomapenda omakwawo meitaalo (konakona ontopolwa aysihe). Nomethimbo lyetu ope na omadhi-na ogendji taga gwedhelwa ko. Ontopolwa noya hulithwa nomadhiladhilo ngaka:

Ayehe mboka inaa thika manga kegwanene-no sigo tse wo yokonima twa thiki tu ka pe-we oshita omauvaneko guuvanekelwa ooiataali ayehe.

Sebulon Ekandjo.



EPONGERO LYARUPARA LINA GWANA MUSITA

MoSoondaha zo 2 Desembeli 1984 yimo ka va tulire musita Elia Nero-mba mepongero lyaRupara pateto lyErerongereka nomora 446/84. Mupahukili Asser Lihongo novakwafi vendi vaval, vasitapongero Alfeus Sikwaya naHeikki Ausiku, yiwo va mu hulire mepongero.

Embwinda lyovantu lya wizire kongereka li ya tambure musita gwawo nehafo, ano vakuronapongero vane va kere koarutali va tambure musita gwawo noku mu kambeka mawoko kumwe novasita.

Vakriste vaRupara kwa pongere nehafo. Morwa ngesi kapi hena va hwililire momu-rongo, nye metata lyomurongo vahwilire morwa kwa li vindukire. Vakriste woko-Mupini nawo kwa wizire. Vana vatano na-vaval womanusita Neromba noyitenya yendi yoyigara neyi yoyikadi yipo va kere.

VaRupara kwa hafere unene ezuva olyo kwa rongikidire kuor zovadimbi wokusika po 30 ngoso. Eyi tupu mupahukili Lihongo ga ninka asi: "VaRupara tamburenis musita gweni ogo," Kuor ta zi dimbi oku ta zi tumbagura: "Elia Neromba munasitayi go-muhowo moKavango," dogoro kwa musita Natanael Sirongo naAsser Lihongo.

Konyima zeruganenokarunga kwa kere musita Neromba ana sikameke vekoro lye-

ndi neli lyomukadi novana vawo noyitenya yawo nonontekuru dawo komeho zepongero. Mwava kwa kere mo hompa gwaMbu-nza Leevi Hakusembe gumwe govagendesi vepongero lyaKavango ogu ga kwara si-kwamombeli samusita Neromba.

Oh, navenye kwa hafere sili unene, vakriste kwa tambwire epongero mawoko gavali. Tate Neromba kwa hafere unene sili noku gava sikoda kwanaventye.

Gumwe dogoro ya mu tetwire a uyungire mo asi: "Kapi na mona rumwe musamane Kakove ana hafa ngesi."

Nonkango edi ga li tumbwisire mwene mosirugana sendi dedi asi: "Ame mupika gwaKarunga, mupika kuvhulika nkenye oku vana mu tumu ta zi, nkenye sruwu ta vhulika masiku ndi mutenya."

Makura ta twikida ko nezido asi: "Vakriste wizeni tupu nkenyapa, mutenya ndi masiku, tani mu zakura." Mokukondjera uwa wepongero lyahompa yipo nomwenyo dovantu di manguruke kouru-

nde ana li ruka asi: "Ame emumbwa Iya-Karunga lyokukurupa."

Ana tantere vakriste asi: "Zendeni mu ka sansekere vakweneni asi, tuna ka mona va mu tura mepongero." Ana pukurura vakriste va dameke ukriste nokufumadeka ngere-ka monoSondaha.

Kembo vana rongikida ko sipito sosinene. Kuor zina mu kwamenene dogoro kembo nokudimba asi: "Musita gwet Elia Nero-mba tatu ku pandura jatu ku tambura."

Ferani Taimi Saari ogu va rundumana vaKavango asi: Sirudi," ana tumbwire mu-sita Neromba nonkango dimwe membo oku ta gegemene kehafo. Sirudi kwa tu-mbwire asi, age nsene nomusita Elia ana kara ku li zuva noguhwe ana kara.

Ana tambura asi musita Neromba kwa fana-sipara sendi mongereka. ngwendibisofi Tutu mufundi goNoble Peace Prize zo 1984. "Ame tani gava name ekuto komusi-ta Neromba ngoPeace Prize."

Musita Neromba gonomvhura 70, kwa mu kuhwa melima 1933 poRupara. Yiyo ga ka mene urongi wendi kOnipa 1939. Yiyo ga ronga koTuguva nomoRupara moJonge. Eyi ga ka mene usita wendi koElim mo

Tara kep. 5

ELELONGELEKI EPE

Oshigongingelevi kehe shopautho mOngeleki ndjika, ohashi hogolola ongundu ndjoka hayi landula iinima mbyoka yu uthwa koshigongingelevi nokomauthompango nkene yi na okutsakanithwa.



Lilyo yElelongeleki epe pamwe naapeha yawo. Okuza kolumoho Johannes Sindano, Johannes Hambyuka, Kaino Kovanen, Ulla Nenonen, Sakeus Kaulu konima, omumbisofi Dumeni, Apollos Kaulinge konima, Matti Amadhila komeho, Matias Ngipandulua, Silvanus Vatuva konima, Hans D.Namuhuja naJunias V Kaapanda.

Origundu ndjoka oyo omuleli gwongeleki ethimbo ndyoka oshigongingelevi kaashi li miipundi, onkene ya lukwa Elelongeleki. Ehogololo lyElelongeleki epe moshigongi shoka olye endele negeyi:

MUukwanyama:

Omusita Apollos Kaulinge nomupeha gwe omulungi Silvanus Vatuva.

KoKavango

Omusita Johannes Sindano nomupeha gwe omusita Johannes Hambyuka

MUuninginino

Omusita Junias Vaino Kaapanda nomupeha gwe omulungi Sakeus Kaulu.

MONdonga

Omusita Matias Ngipandulua nomupeha gwe omutaleli Hans Daniel Namuhuja

Peha lyEhanganotumo lyaSoomi

Meme Ulla Nenonen nomupeha gwe meme Kaino Kovanen

Moshigongi shalyo (Elelongeleki) shotango pehulilo lyaDesemba 1984, olyo utha wo omukwathi gwomumbisofi Amadhila a ninge omupehawiliki mElelongeleki. Olya kolekulula ishewe omusita Absalom Ha-sheela a ninge amushanga gwalyo uuna tali gongala.

Hasheela oku li nale Amushanga omukulu-nu gwOngelki.

Sebulon Ekandjo

1954 yipo va mu pongwerere usitapongero. Ga kere koNkurenkuru, Rupara, Mupini naRundu.

Mo 1957-1970 yipo ga kere mupahukili go-kuhova gomvharerwa moKavango. Mo 1970 yipo za mu mangwilire ngereka a ka kare ministeli gwErongo mepangero lye-vhu-embo lyaKavango. Kutunda mio 1978 yipo ga manguruka moyirugana yepangero.

Ruhepo rwepongero runa mu tumangeda a tambure siruganapongero moukurupe wendi. Epongero lyaRupara lina gwana muza-kuli gediwo lyenzi mosirugana esi. Karunga a mu kwafe vakwetu.

(Mugavimbudi kwaMukwetu)



Omusita Elia Niinkoti, omuhungi-mwenyo moshipangelo shoka

NAKAYALE A NINGI EHALA LY-KUKONDJITHA TB MUUNINGINI-NO

Epangelo otali longekidha ehala limwe alike muuninginino auhe li kale tali kondjithile mo uuu wo Tii-bii (TB) nOngeleki ya ELOC oya indilwa nale yi gandje ehala lyoshipangelo oshikulu shaNakayale.



Ehala lyoshipangelo shaNakayale olimwe lyomomahala gatatu giipangelo yOngeleki muuninginino ngoka ga thigwa po sho pwa tungwa iipangelo iipe. Aadhiginini yehala ndika oya pandulilwa uudhiginini wesiloshipwiyu lyomatungo nehala kOngeleki. Methano ndika otamu monika ombinga yimwe yuundunda waavu netungo lyoshipangelo kolulyolela

Ehala moshipangelo oshikulu shOngeleki muNakayale olya holoka mo pehulilo lyomumvo gwa yi, sho epangelo lya-tungu oshipangelo shilwe oshipe mu-Utapi, konyala okilometa yimwe okuza puNakayale.

Kombinga yOngeleki mekwatathano noshima shoka, Elelongelesi olya gandja nale eziminino lyalyo, neuvathano lyelongitho lyomatungo nehala, olya ningwa lya pwa, ndyoka lya kwata oomvula mbali netata.



Aavu taa tegelele eyakulo poshipangelo

"Katu vulu tu tindile ehala li longithwe, nonando otwe li pumbwa tuu shili, oshoka aantu mboka taa ka yakulilwa mo oyetu," osho omumbisofi Dumeni omuwiliki gwE-lelongelesi a tumbula pOMUKWETU.

Pauyelele mboka wa zi kepangelo, otaku tegelelwaa avu yo Tii-bii ye thike lwopethelu limwe. Ashike pahokololo lyomukuluntu gwoshipangelo oshikulu shaNakayale, yo oya adhikwa noshito haa panga aavu ye thike mpoka, uuu tuu mboka.

Ekwatho tali ka gandija mehala ndika, otali pandulwa unene. Ihe onawa wo ngele tashi dhimbulukiwa moshigwana kutya ekeelelo lyuuuvu epu li na ombiliha newanawa, ethimbo ndyoka ashike omuntu inoo kwaitwa manga.

Sebulon Ekandjo

OOHAPU NADHI TSE KU-MWE NIILONGA

P. Kandenge, muArandis, oti indile aagundjuka, kutya shono haye shi ningi momalengeloklaunga naye shi ulike wo no-pondje uuna ya piti mo. Opwa dhimbuliwa eihumbato ewinayi, unene mokati kaagundjuka, osho a ti.

"INAMU KULUPA," DUMENI TA LOMBWE-LE AAKULUPE

Omumbisofi Kleopas Dumeni manga e li molweendo lwe ta ka langeka omusita omupe megongalo limwe moshitayingeleki shUuninginino, okwaadha ontanda yaakulupe ya gongala mOnakayale. Osha li petameko lyaDesemba gwa zi ko.

Omumbisofi okwa topola mo methimbo lye ominate ntano e dhi longithe okupopitha mboka haa endele ngashinge yi komagulu gatatu nokwe ya pula:

"Ngoka ho ti owa kulupa miinima yuukriste, ulukila ndje okakalata koye sho wa penzelwa kuKalunga!"

Kepulo ndika omumbisofi okwa yamukulwa ashike kondigolo. Osho e ya kumagidha noohapu oonkwawo odhindji dha kola nokwe ya halele Okrismesa ombwanawa. Okwa 'li ashike a hala oku ya yelithila kutya iinima yokulongela Kalunga ihayi kokelwa.

Omudiakoni gwoshitayingeleki shoka meme Suoma Shaningwa nameme Menete Namuhuja, oyo ya li ya longekidha ontanda ndjoka.

Nakayale egongalo moka omumbisofi Dumeni a valelw a nokwa putukile.

Megongalo lyaNiimwandi, moshitayingeleki shoka, meme Hilja Akawa okwe tu tseyithile kutya namo omwa ningilwe ontanda yaakulupe. Otatu tula mpaka iitsa mbyoka ya kundathanwa kaakulupe moshigongi shawo pehulilo lyomumvo ngoka.

1. Omolwomayakulo itaaga ende we nawa mokati kaakulupe, yamwe oya tameke okunwa ii-kolitha, ye yi etelwa kaagundjuka.

2. Aakulupe yamwe momagumbo oyo taa tsu ya mone ontaku. Otaa kanda yo taa koongolola

iimuna, taa ka teka omeya aagundjuka ye ye yi iyoge. (Aagundjuka mpaka oye na ompito yokwiipopila.)

3. Aakulupe inaa hala iimbombo (iithima) yuusila wiilya ya yayekwa, oshoka otaa ti, oshimbombo sha tya, ngaaka, ihashi nika we nawa.

Ontaku yuusila wa tya ngaaka ohayi yengala owala ya fa otombo, nayo kayi shi ombwanawa.

4. Aakulupe otaa yematele aagundjuka yamwe mboka taa hala oku ya dhipagela uumaliwa mboka haa taamba kopenzela. Aakulupe otaa umbw a omalaka omadhigu kaagundjuka yi idhine, kutya yo kaye shi we aantu. "Ngoye owa kulupa man, ku na we oshilonga," osho aniwa haa lombwelwa.

5. Omahala gawo gokulala, gokugondja noongwu dhawo ihayi silwa we oshimpwiyu.

Ontanda yaakulupe otayi kundile po aagundjuka noshipango oshitine.

Moshitayingeleki shOndonga, ehokololo lyontanda pehulilo lyomumvo gwa yi, olye tu zile mOkankolo, twe li kundakanekwa kutate A.J.Nakanya.

Ontanda ndjika yomOkankolo oya kundathana oshinima shoondjokana nkene dhi na okudhigininwa. Oya gumu uukwapata mondjakana moka mwa zi epulo omunona megumbo ogwalye?

Oya kundathana wo uuethi wokwaadhiginina oochedhi dhopashigwana moosikola nopalwe, unene mokati kuunona waazeko. Uukalinawa

wolutu nekwatho lyotango muponga oya li ye shi longekidhilwa kuSestela Sofia Emvula.

Ombimbeli mokutala aakuluntu otayi ti: Holeleni eitaalo lyawo.

Sebulon Ekandje

OMUKWETU PUKULULA NDJE

1. Aayenda yUulalelo Uuyapuki ohaa kala yi ininga okakombo noludhi. Omusamane nomukulukadhi gwe noyana niitenya ye, ohaa kuutumba pamwe. Omolwashike ano?

EYAMUKULO:

Oshinima shokukuutumba pamwe kwaanegumbo melongelokalunga nenge mUulalelo Uuyapuki, osha eta kehumokomeho. PaShiwambo mii-tuthi yetu ohatu kala twa topoka: aalumentu kehale, aakiintu kelugo naanona komukala. Shika osha li wo sha taambwa nomomlagongaleo go-paukriste.

Ongeleki oya kala yi na oombinga mbali: yaakiintu noyaalumentu nopo ihe aanona komeho. Ihe shika oshi li pokuhula sho ehumokomeho tali ya miituthi yi ili noyi ili. Aanegumbo itaa topoka we, otaa kala pamwe ngaashi ya zi kegumbo.

Andola ndi tye aanegumbo otaa zi megumbo lyawo yu uka kongeleka noshihauto shawo yu ukilila mongeleka, olye we nee to ki ikutuumbika pokati kawo? Oko nee okakombo nloudhi han?

OMUKWETU

2. Onda li pefumviko lyakuume kandje gumwe; sho lya pu, otwa kala tatu tala oombila dhimwe dhookuumya sa nale. Yakwetu oya kutha uuvi taa umbile ko. Ngame inandi shi ninda, oshoka kandi shi kutya otashi ti ngingiini. Kwatha ndje u fatululile ndje.

EYAMUKULO:

Okuumbila okavi kombila ohashi ningwa komusita peyapulo lyomudhimba nohashi ningwa pakambongeleki. Tse aantu otu na omaholela nujunene otwa hala aniwa okuninga iikumitha yontumba opo yalwe ya mone kutya otu na oonkondo dhokuninga sha (okumenkula).

Inatu hal a tu ze pombila inaatu ninga po sha; onkee otatu umbile po okavi nenge tatu yambeka noshikaha, naido eyapulo neyambeko lyomudhimba olya ningwa niale kwaangoka e shi uthilwa.

Onawa sho inoo ninga shoka waa shi uvite. Okufala ko nando oongala nenge okutudha ko omwiddhi, oshi uvitikiwa ko hwepo kutya eopalo lyemoniko lyombila wa hala.

OMUKWETU



Methano ndika ongundu yaakulupe pamwe nomumbisofi kolumoholela taa imbi cimbi-lo lyehambelelo. Kolulyo okwa thikama omusita gwaagundjuka Josef Avia ngoka a li nomumbisofi pamwe molweendo

Omulungi gwaasita Nghikembwa a mana oondjenda



EPUKULULO MOSHIFO SHOTANGO SHADESEMBA 1984

1) Onda pita odiploma muulungi waapangi momumvo 1981 (Diploma in Nursing Education, University of the North).

2) Omanga nda mona onkatu muupangi momumvo 1983, BA (Cur) University of South Africa.

Major subjects: Nursing Education and Community Health Nursing Science.

Tangi

S.N.Shivute

OSHO TUU OMUPOPI A TUMBULILE? - MPINGA- NA TA PULA

Moshifo shOmukwetu No. 22/1984 me-pandja eti 9 moshipopiwa "Omumangululi gwaakiintu a talele po Oniipa," omu na etumbulo ndyoka pakutala tali lundulula omadhiladhi-lolalakano gomupopi, efolo Ethel Mbalula.

"Aatondi yetu yaali ayeke; omumentu na S.Africa." Etumbulo ndika olye eta ekuyunguto maalumentu nomakiintu yamwe mokulesha oshinyolwa shoka.

Ngame mwene inandi kala mongeleka yaNiipa pethimbo egongalo lyapopithwa kuefolo Mbalula, ashike onda pulakena iipopiwa ye poompito dhi li ne moshilongo shetu pomahala ga yooloka. Ye mwene etumwalaka lye limwe ngaa, nando ye sho e li po omupopilela, pehala kehe omukalo gwe ogwi ili nomuntu ito loloka oku mu pulakena.

Mokupulakena Mbalula, onda koneke omadhiladilo ge ngaka kutya, omukiintu ota thiminikwa koombinga mbali: ota thiminikwa komulumentu nota thiminikwa kepangelo lya S.Afrika. Ope na eyoloko pokati koshitya omutondi noshitya omuthiminiki.

Ondi uvite ko aalumentu naakiintu mboka ya kudhilwa koshitya "omutondi", oshoka omumentu ke tonde omukiintu nongaashi wo omukiintu ina tala ko omumentu ongomutondi gwe.

Omanga ihe itaaku tsuwa kumwe nomadhiladilo guutondwe oyangapi mokati kaakintu taa vulu ku ludhika kutya yo inaa ndhindhilika nando omathiminiko (omangambeko guuthemba) tage ya zile kaalumentu? Nayangapi yomokati kaalumentu naakiintu kumwe taa ludhika kutya yo ihaa mono nando omathiminiko ga sha tage ya zile kepangelo lya S.Afrika? Epangelo wo ndi shi kali shi omutondi, ihe oto zimine tuu kutya itali ngambeke uuthemba?

Hilma Mp. Tshilongo



Sestela Salmi Shivute



Efolo Mbalula ngoka kwa li a talele po aakiintu mOwambo pehulilo lyomumvo gwa zi ko, nokwa ningi iipopipiwa pomahala gi ili nogi ili ngaashi mOniipa wo.

Eso

Samuel Ausiku Shinghwani Aiyambo, megongalo Eengolo, okwa hulihile oondjenda dhe 25.9.1984, muukokele womimvo 42. Okwa thigi ko efolo lye, oyana yaheyali naatekulu 9.

Alina N.Sheehama
Peha lyakwanezimo


OMUHUMBATI GWOMAUDHIGU OKUZA MUUNONA WE

MOMUKWETU No. 20/1984, otwa li twa tumbula elangeko lyomusita Halolye megongalo Uukwiyu, ihe katwa li twa tumbula sha, kutya Halolye oye olye. Hasho omukalo kutya ngoka a langekwa, oku na wo okuhokolowa pandjokonona, ihe poompito dhimwe ngaashi ndjika, ohashi kala sha pumbiwa okutala iilonga iinene yaKalunga momuntu ngoka.

Egongalo lyaShitayi ndyoka lya li lya kalelwapo kongundulwiimbo lwegongalo ndyoka, mewiliko lyomusamane K. Kadrikwa, oya li ya hokolola okahokololo haka komulangekwa, oshoka egongalo ndyoka olyo lye mu putudha. Kadrikwa okwe li hokolola ngeyi:

Halolye, okwe ya po ngiini mpaka? Edhina Halolye, olya kuthwa megalikano lyOmuwa Jesus, "ndyoka tali ti: "Ehalo lyoye nali ganithwe." Omuluki oye omuyevangeliste Filemon Nashihanga. Okwa li gwegongalo lyaShitayi ngoka Ongeleki ye mu tumu a ka longe oshilonga shetumo okuza 1947, mOtjiwarongo, Outyo, sigo Kaoko, okuyakula iilyo yOngeleki ndjika mehalakano.

Omumvo 1955, okwa pews okamati manga ye li kOtjiwarongo noka shashwa edhina



Omufita Halolye Nashihanga

Amutenya-Halolye. Omushashi naathikameni yak oyo aasita yOngeleki yOombulu. Konima yethimbo oya galukile kOwambo megongalo Oshitayi, ihe Ongeleki sho ya tungwa mOnguta, okuyakula aalumentu mboka taa yi notaa zi kiiyungula, kUushimba, Nashihanga oye a

ningwa natango omuwiliki gwayo manga inaamu langekwa omusita.

Halolye okuza muunona, oye omutumwa. Okwa tsakanekwa komaudhigu ogendji nomanene. Omumvo 1967, Halolye okwa li ya thigwa megumbo kuhe, sho a li a falwa koPretoria pamwe nongundu ndjoka yi li ngashingezi kOntuntu yaRobben, ya pongekwa. Hwiyaka Nashihanga okwa ningile ko oomwedhi ndatu.

Halolye sho a piti ongundu ontihamano, okwa yi komuhandjo kOngweda, ihe okwa li omushona noonkondo. Ashike okwa li ti ilongo nawa. Okwa li wo a tseye okuhika omankuma. Omumvo tuu ngoka, iipotha yaNgweda inayi mu thiga mo.

Halolye okwa kongo iilonga. Okwa mono iilonga monkombitha yomukuluntu gwelongo lyosikola mOwambo, omusamane Van Vuuren. Kasha li oshipu komuvali omunona gwe omushona a kanitha ompito yosikola. Konima yoonkambadhala dhetimbo ele, Halolye okwa ka taambwa natango mOshakati. Osha li she ende nawa sigo a piti Ositanda VIII.

Ositanda 9 na 10, okwe dhi manene mOshigambô, ashihe shika osha li ehalo lyaKalunga, lye enditha. Halolye okwa tokola a ye kosikola yuusita. Elelogongalo olye mu popile kElelongelesi. Osha li enyanyu lyaavalii, ehalo lyaKalunga ekumithi lya longo, ihe uudhigu noshikogo sholuhodhi osha li komutse gwaHalolye.

Manga e li kOtjimbangwe mosikola yuusita 1981, osha li muSeptemba, elaka lye mu adha, olya li edhigu tali hokolola yina, Johanna Nashihanga, kutya okwa mana oondjenda.

Nonando osha li she ende ngawo, konima yehupulutho, Halolye okwa li e na omukumo okutsikila natango osikola, oshoka oku li mewawa lyahe Nashihanga. Ashike osha ningwa wo petameko lyomuvvo 1982 muJanuali 17, omusamane Nashihanga naye okwa mana po oondjenda ombadhilila, manga nokuli Halolye e li megumbo.

Egumbo lya thigilwa aanona. Naampaka Halolye okwa li e na omukumo okutsikila osikola ye yuusita keinekelo ndika: "Ehalo lyOmuwa nali tye." Halolye okwa piti osikola ye nokwa yapulilwa uusitagongalo 17.6.1984 mOngweda.

Halolye uudhigu inau pwa mo moshipala she, owa kala we mu taalela. Okuza mesiku a yapulilwa oshilonga nokwa langekwa megongalo Uukwiyu, esiku lya landula, omusita omuwiliki gwegongalo ndyoka, Filippus Usizi, okwa mana oondjenda sho a kala muunkundi wethimbo ele.

Halolye okwa taamba oshimpwiyu shoka oshinene shokuhekeleka egongalo lyOmuwa moluhodhi lwalyo, oshimpwiyu shoka e shi ningi pamwe noshikwawo shokuhumbata aamwayina mboka a thigilwa, ye li kOshitayi.

Halolye oye omutumwa okuza mela lyayina. Eindilo lyAashitayi kegongalo Uukwiyu otali leshwa ngeyi:

"Kalunga okwe mu hogololela Halolye mu mu tule omutenge gwe ngoka e gu humbata ethimbo ele. Kaleni naye ngaashi nomumweni omuholike. Omwe shi tameke nale nokuli, unene tuu egumbo lyatate Abisai nameme Aina, Egumbo.

"Silweni ohenda ne mu kale mu na ombili yaanguka kwa li ko noku li ko, not e ya."

Aashitayi.



OMULONGI NA KALE A TYA NGIINI?

Amushanga,

Moshifo shaAguste 15,1984 pepa-ndja 9, onda kumwa sho muukwatta-tya nontseyo yomulongi inamu tumbulwa iinima tayi landula:

* Omulongi na kale e shi okunyola nawa elaka lyooyna nokutopola nawa iitya. Na kale wo nomadhiladilo gu uvitike.

* Na kale e shi okupopya iitya ya fatuka noitaa kothitha aantu.

* Na kale e hole okulesha.

* Na kale a pyokoka mokumona omapuko.

* Na kale ha pe omulongwa iitsa myoika i ilongela.

* Na kale nuupenda wokupukulula: aalongwa, aavali, iifo nooradio uuna ya puguma.

* Aalongi one echo neyulu lyoshigwana. Mpoka pwi ipala, ulikeni po; naampoka tapu zi ezimba, tu lombweleni.

**Omulongwa muAmerika
B.K.Kathindi**



Ovaendanandjila vahapu poshiponga shomundilo ova li va shililwa po komwifi oo wa li tau monikila kokule. Efano otali ulike eshi omwifoo tau popiwa wa ninga "oshungo ilaula" ya finda mombada

Tala kep. 10

Tate Nangolo okwa holola yo kutya halo lwotete pongeshefa yaye tapu holoka oshiponga tashi nyonauna. "Momudo 1979, etungo lange limwe olo la li hali longifwa ongokahotela, ola hanauinwe po koshitopifa omanga ndi li kodolongo; nomomudo 1980, eshi nda dja kodolongo, onda hangele mangeshefa yange mu na edundakano linene," osho omunangeshefa Nangolo a holola nghee ha mono omaudjuu noshito.

Nangolo omulumenhu weedula dopokati, wofika ya yeluka, wolutu lwa pama, e na ondjungu noilonga yaye noha ulike pamikalo dihapu kutya ye oku na ko nasha noshiwana osho ta longo musho.

Kepulo kutya ongeshefa yaye paife oya nenepala shi fike peni, okwa ti kutya paife oku na eefitola peenhele ngaashi: Onethindi, Olumbongo, Oshigambo nokOvenduka. "Ovanailonga

OSHIPONGA SHOMUNDILO PONETHINDI

Ombinga imwe yongeshefa yomushamane Nangolo daJakob pOnethindi mOndonga, oya ehamekelwe nai komundilo muDesemba 1984 lwopombali yokomatango. "Moshiponga eshi inamu kanena omwenyo womunhu, mo inamu ehamekelwa nande oumwe," osho Nangolo mwene a tile eshi a li ta kundafana nomutoolinghundana wOmukwetu pefimbo oshiponga sha li shitalala.

Ehokololo otali ti kutya omundilo owa eta ka kalehita, notashi dulika inau monikilila po. Ehokololo ola twikila tali ti kutya omundilo owa hovela meenduda odo hadi nangala ovanailonga vopongeshefa opo, tau kwata onduda yoipumbiwa yomatuwa fiyo wa tandavela fiyo ononduda yomalodu. Lao linene omaalaka noholoshaila inadi kumwa komundilo wa tya ngaha.

Opolifi, novakwashiwana, ovo va kwafela mokudima omundilo winya wa li wa hanya nai notaku tiwa kutya oshe va pula esimbo li dule otundi imwe moku u dima filusfilu. Evalulo laasho sha nyonaikila momundilo omuyandjimulombo okwa ti kutya inali dulika okuningwa le lixwa po ngaashi shi na ngeno okukala, osheeshi omambo amwe omo mwa shangwa oinima imwe yomwaayo ya lungwinifwa po komundilo, okwa pila mo.

Kombinga yovakwashiwana ovo kwa li tava dimi omundilo naaveshe ovo kwa li tava viyauka nokututa oilandifomwa momaalaka nomobootollo, omushamane Nangolo meenghundafana nomutoolinghundana wOmukwetu mekwatafano noshiponga eshi, okwa ti kutya okwe va pandula unene eshi va ulika ngaha ohole yavo eshi ve mu kwafa.

"Ekwafo la tya ngaha inave li efa po, nava twiki le ngaha nokomesho," osho a tumbula ngaha nomutima u yadi olupandu.



Mefano eli otamu monika onduba yoinima oyo ya tutwa momaalaka, omolwoumbada kutya pamwe nayo otai ka kwallwa komundilo, ashike Kalunga okwa amena onduda ya tya ngaha koshiponga eshi shombaadilila noshitilifi.



Ovatali vonawa vamwe ova li tava vandamene ve li konima yolumbo lwodalate, oyo ya kondeka ongeshefa yomushamane Nangolo.

NAKUFYA LASARUS NYANYA TA HOKO- LOLWA

Nakufya Lasarus Nyanya ou a xulifile moshiponga shoboma eti-7.11.1984, pokati kEnyana nOkongo efimbo loko-matango, okwa dalelwa momukunda Ekolola meongalo lomEenhana, eti-18.1.1940. Ovadalwa epasha vo na Ester neshasho lavo ola ningilwe eti-23.1.1943.

Lasarus okwa fikola mofikola younona mEenhana nefimbo limwe okuKongo, osheshi omido dimwe okwa kala kohambo koushilo unene eshi a li meumbo lomushamane Andreas yaNgodi momukunda Okamanya, meongalo la-Kongo. Peedula 1964-1965, Lasarus okwa kala mofikola yovamatii mEenhana. Eshi a dja mo okwa ya kOvenduka oko e lihongela okushinga oihauto.

Eshi a dja kOvenduka, okwe ya ndele ta mono oilonga yokushinga moshihakulilo shaNgela. Okwa kala ha ende pamwe novahakuli ovo va li hava tunhile ovanhu momikunda. KuKongo okwe ya ko eti-14.10.1966, nokwa ninga omu-shingi womosihakulilo shaKongo, okutwala ovanaudu kOnandjokwe.

Pefimbo olo ondjila oya li i na efululu nopefimbo lodula oya li nomifenu. Oudu nge wa hapupala, Lasarus okwa li ha dulu okweenda ondjila oyo ii, luvali mokutwala ovanaudu kO-nandjokwe.

Nyanya ina longela ashike oshihakulilo shaKongo, ndele okwa yakula yo eongalo laKongo noshilongatumo mokukonga Ovakwanghala momifitu. Naapeshe opo a enda okwa yakula oshiwana moku shi londeka metuwa laye ngashi e li luka kutya olo "Shawayanga la ulila elondo".

Pomafimbo amwe Nyanya okwa kala ha twala ovanyasha nounonaongalo koyoongalele yavo. Peemhito dimwe okwa kala ha pitula Ovamundaungilo nOvaenhana.

Lasarus okwa hombola eti-10.11.1968, omukuluki waye Sara yaJosef Hangula. Meme Sara omuhakuli moshihakulilo shaKongo noye oda-lele yomeongalo laNgela.

Lasarus okwa kala omulumenhu omukriste, he lidilulula nge a puka, e hole okupukululwa noha itavele omapukululo ovanhu vakwawo. Ke hole olwaambo. Moyoongalele yopakriste ota holola omadiladilo aye poluhaela.

Okwa li omulumenhu omunamashendjo nomulidimiki. Meumbo nomeongalo okwa ninga shihapu tashi holola ohole yaye. Nyanya okwa kala e linekelelwa moungudu vomeongalo. Manga ina xulifa, okwa hangwa omunashipundi shokomitiye pofikola yedina Elia Ueyulu mOkongo.

Lasarus ina kala ashike moudjuu woilonga, ndele okwa hepekwa yo luhapu. Okwa kala ha kwaitwa nokutulwa modolongo, omolwokulundililwa shinya naashinya, ndele moinima ei aishe, Lasarus okwa kala noupenda wokutwika-la oilonga yaye nehafo.

Lasarus Nyanya efyo inali mu vakela. Okwa holola omadiladilo okufya kwaye mahapu. Okwa hafifa eongalo nookaume vahapu, osheshi ota tula movaitaveli omakanghameno eitavelo nota yandje eteelelo li na etimaumbwile.

Lasarus okwa fiya ko omufiyekadi waye nounona. Kalunga na hekeleke Ongeleki yaye omolwefyo. laNyanya.

Paulus Andreas

Ovanhu vane va dipawa koboma mO- ndangwa

Ovakwashiwana vane ova hokololwa va fila moshiponga shoboma mopoosa yaNdangwa, omanga vakwawo vamwe omulongo navane (14) va hokololwa komuyandjimulombo va ehamekwa.

Vatatu vomovo ova ehamekwa unene nova tuminwa koshihakulilo kOvenduka. Oshiponga eshi osha ningilwe mafiku laxuuniwa lomudo wa dja ko; eti-31.12.1984, efimbo longula. Opoosa yaShakati nayo oya monene oshiponga sholudi eli pomido da dja ko.

Moufiku weti - 5.1.1985, oboma imwe oya topele vali pomahooli aKatana mOshakati. Pomaahooli opo tuu opo opwa topele vali oboma imwe muApilili 1984, oyo ya lile omukwashiwana umwe omunangeshefa tate T.Nakambonde novaAmerika vavali. Ehokololo otali ti metopo lopaife inamu ehamekelwa omunhu.

Moushilo mwa ngunguma

1.

Openi hano pa li tapa ngunguma
Omushilo oo wa li vati waShingunguma
Mboli hadula ya li tai ngunguma
Oboma i tilifa oyo ya dipaa
Apeshe oya udika eshi kwa tya mbwaa
Ndele taku ti vali shili twaa!

2.

Oya telwa nawa kunhumba paendunge
Odo da yandjwa kungadi omunaendunge
Namhongo omunashili iha endwa meendunge
Nande sha ningwa nee va ti konghulungu
Osha yela osha ningilwa lela eenghulungu
Odo da shitwa kux e yavo paungulungu.

3.

Okwe li tala vati ye ependa
Nande ye ota longele ashike oiponda
Okafimbo kaxupi ote ke li ponda
Shaashi ye mboli ke na eenghedi
Ongajudas ote ke livela eembedi
Nande na kale ye vati omhedi

4.

Osha ningilwa ovo va itavela momwenyo
Nossa nyematifa ovo va fyaala po ovakamwenyo
Sha eta shili omaipulo mahapu movanamwenyo
Tave li pula alushe neenghono noudjuu
Oshinima osha li unene shidjuu
Noshe tu etela omalimbillo mai madjuu

5.
Vahapu ove shi taka ko oulai
Shaashi vati nani osha ningwa komalai
O e shii ovanhu vetu oulai
Okwe shi ningila kwa li owina
Noku shi shii kutya okwe shi wina
Okwe shi tala vati osha wana

6.
Oboma oya yelekwa vati oidjuu
Inaku shiivika oya telwa noudjuu
Sha yela oye va etela oudjuu
Noya shiivika nawu apa ya dja
Edina layo kali fi nande Shekudja
Shalimbwa nge ya telwa kuNdemudja

7.
Osha yela ova ya kuXe kuPamba
Namhongo oo womeulu e va pamba
Ouwa meulu otava ka pewe kohamba
Tave ke u tambula shili oshali momake
Notava ka kala va ukatwa momake
Kalunga tate yetu ota ka pewe omake

8.
Meulu kave na vali nande oku ka talukwa
Osha yelelela mwinya otava ka kalukwa
Nomadina avo mawa mape otava ka lukwa
Tava talika shili vehe na etimba
Ova diminwa po filu sheke omatimba
Pamwe naavo ve va tula etimba

9.
Ohatu ka monafana nohatu ka udafana
Atushe neefiye noorakel ohatu ka faafana
Notu shishii kutya ohatu ka holafana
Osho twa pumbwa mufye osho eitavelo
Ndele tuha puke tu ka pite mevelo.

Shalimbange Ndatyooli

ESO

Meme Marta Nekulu Amupolosi okwa manene oondjenda dhe 6.10.1984, moshipangelo mOshakati methimbo lyuuwehame wethimbo efupi. Owa thigi ko omusamane gwe noyana omugoyi. Efumviko olya ningilwe momukunda gwawo Okau, mUkwambi.

Tangi kune amuhe mwe tu tsu omukumo, mwe tu yakula ongele omiilonga nenge noohapu dhomahekeleko mwe ge tu tumine. Jesus ota ti: "Shoka mwe shi ningile gumwe gwaamboka aashuushuka, ongame mwene mwe shi ningile."

Kalunga ne mu pe ishewe oonkondo dhoku tu humbata momagalikano. Eps. 62:2-3; Eimbilo 418.

Rauha J. Amutenya

OSHIPONGA SHOMUNDILO

Da dja kep.9

vetu aveshe kumwe ove li 79, nohatu va futu omwedi keshe oimaliwa i dule R9000,00" osho a hololela omunanghundana nghee ongeshefa yaye tai yandje eemhito doilonga kovakwashi-wana.

John Shitundeni

OSHIGWANA ITASHI SI UUNYE OKULIGA-MENA KEMANGULUKO LYASHO

Omumvo 1985 nani gwa nyolwa momambo, sha yela kuty a nagwo gwa yi komwaalu gwomimvo ngashingezi 100 dha piti, Namibia li li kondjoko yuukoloni.

Omumvo omupe gwe ya gu gwedhele kondjokonona, okuholola puuyelele enota nondjuulukwe yemanguluko lyoshigwana shika, naanaa ngaashi sha dhimbululwa muule womimvo dhomilongo odhindji dha zi ko.

Opwa yuulukiwa ethimbo ele moshigwana shika elelo lyevi lya kwatela komeho kumboka ya hogololwa koshigwana shoshene, mehogollo lyaayehe lya manguluka muukumwe wevi alihe.

Oonkambadhala opo shoka shi thikwe musho ngaashi sha yelekelwa, unene muule womimvo heyali dha zi ko, kumboka Kalunga e ya pe oonkondo miinima yevi lyetu, opo ando ye dhi longithe pahalo nopaunuuki we, oko hoka (koonkambadhala) oyendji natango taa ligamene kudho notaa ipula mpoka dha hulile 1983.

OMUKWETU ita ka yamukula mpaka kepulo ndyoka, sha oshipe shaa shi ando shono sha leshwa nale miifo yilwe nosha uvikwa mooradio.

Mokuthika pehulilo lyomumvo 1983, epangelo lyaAngola, olya li lya ningi ethaneko ndyoka lye li tumine epangelo lya SA li li koleke andola. Epangelo lya SA moku li konakona, peha lyoku li koleka, olya tungu natango ethaneko lyalyo ndyoka lye li tumine epangelo lyaAngola li li koleke wo.

Omathaneko agehe ngoka gaali, oga gandja omukalo nkene shi na andola okweenda opo Namibia li thike memanguluko. Epangelo lya-Amerika olyo li li omupokati gwomapangelo ngoka gaali ga tunga omathaneko gago.

Shono shi li mo momathaneko

Osha tseyika ngashingezi kukehe gumwe, kuty emanguluko lyaNamibia pokati ka SA naAngola, olya kokololelw po kepangelo lyaReagan, omupreside gwaAmerika, aniwa omolwAACuba mboka ye li muAngola.

Opo ihe pu taagulukwe endangalati lyAACuba nomalongekidho gemanguluko ga tsikile komeho, epangelo lyaAngola olya indile SA a ninge tango iinima ngaashi tayi landula:

+ Suid-Afrika a kuthe mo tango aakwiita ye ayehe muumbantwa waAngola, muNamibia e ya shonopeke nomwaalu 1,500 ngaashi tashi pulwa kiigwanahangano.

+ Suid-Afrika a hulithe po omakwatho ge agehe kehangano lyaUnita.

+ Suid-Afrika a shaine ehulithopo lyiita yo naSWAPO, naakwiita ya VVO ye ye muNamibia ehogololo li tameke.

+ Aakwiita ya VVO ya tale nkene ehangano lyaUnita tali mwenekwa momainyengo galvo.

+ Muule woomvula ndatu omathaneko gemanguluko lyaNamibia sho ga tulwa miilonga, o-

mwaalu gwAACuba muAngola tagu shonopekwa ihe 10,000. Mboka otaa tonatele ombinga yuumbantwa, ihe otaa kala kokule naNamibia.

+ Suid-Afrika a gandje ehokololo lye kepangelo lyaAngola, nkene aakwiita ye taa shuna ku SA.

Suid-Afrika kombinga ye okwa tungile po wo mukwawo ethaneko lya tyā ngeyi, opo e li koleke.

+ Angola a mwenek omainyengo agehe ga-SWAPO mevi lye. Ko ku totwe okomisi ka kale taka longo pokati ka SWA naAngola.

+ Angola muule womumvo gumwe, omalogngekidho gehogololo sho ga tameka muNamibia, a kale a shunitha AACuba ayeh kaandjawa.

+ Angola a gandje uuyelele auhe ku SA nkene a langeka omatango gAACuba moshilongo she.

+ Pu totwe okomisi tayi zi momapangelo ngoka gaali, Angola na SA, opo yi tonatele nawa eshuno lyAACuba.

Eyooloko limwe enene tali dhimbululwa miomathaneko ngaka gaali, olyo ndyoka sho SA ti indile AACuba ya pwe mo muAngola, muule womumvo gumwe, ehogololo muNamibia sho tali tameke.

Manga Angola ota ti, omahogololo sho ga tameka muNamibia, otapu pit manga oomvula ndatu, opo omwaalu gwAACuba gu shonopekwe si go 10,000 ashike.

Epangelo lyaAmerika pamwe nolya SA oga kondjo ethimbo ele, Angola a zimine, kuty emanguluko lyaNamibia oshinima sha kwatathana naAACuba muAngola. Ihe Angola okwe shi yeltha naampaka, kuty ethaneko ndika ine li ninga sho a zimine ekwatahano ndyoka, ihe okwe shi ningi ashike okukutha 'esipa pokati koombwa', opo ku tsikilwe nomalongekidho komeho.

Mokuthika mOKrismesa ya zi ko, osho ihe sha kala oshimpwyu shaAmerika a tale nkene Angola na SA te ya tsitha kumwe momathaneko gavo.

"Kape na unene etegameno mushika," osho Michael Spicer a tumbula. Omusamane Spicer, omuwiliki gwoopogramma dhiinima yuuyuni moInstitute ya SA (SA-Institute of International Affairs).

Shika osha kolekwa wo komutalinawa gumwe gwopapolitika mu SA, sho a ti kuty ope na omwaka onene yeyooloko pokati kiilongo mbyoka iyali (SA naAngola).

Osho shOngongahangano yAACwaluther (Lwi) shaDesemba gwa zi ko, otashi limbililwa unene negele SA okwialongekidha tuu shili okugandja Namibia.

Osho shEhangano ndyoka enene muuyuni lyOongeleki, oshu ulika wo koonkambadhala dha SA, ndhoka sha ti inadhi eta sha, okuhangula ashike uupolitika muNamibia.

Omumvo 1985, aatalinawa oyendji otaa tsu kumwe, kuty a kagu shi omupu kAanamibia. Ha-

muupolitika auke, ihe nomomahupilo goshilongo. Elondo lyoondando moongeshefa nolyifeendela (tax) mbyoka tayi ka londekwa ngiika sigo 15%, oyo iinima ya talwa.

Oondando dhomahooli, dhiihauto, dhomaleendo, dhomeya, dhomahini nodhoomboloto, odho dha tegamenwa dhi ka yeluthwe pombanda ngaashi sha tegamenwa wo nomu SA, pashifonkundana 'Die Suidwester' 4.1.1985.

Ashike Ngoloneya Ndayi gwa SWA, dr Wiellie van Niekerk, okwa kumagidha nga oshigwana shi kale shi na einkelo monakuyiwa, pa Adv. 7.1.1985. Ina tumbula sha shoka tashi tungu einkelo lyeshigwana.

Sebulon Ekandjo

YAALI MONADJOKWE YA PEWA OSHIPUNDI SHEVULUKO

Omutungi gwethimbo ele ye oye wo e li omukuluntu gwongalashe yaNandjokwe, omusamane Toivo Ambambi nomusamane omukwawo Samuel Mbango, oya li ya pandulilwa ilonga yawo yuupenda ye yi longo moshipangelo shoka moonvula dha zi ko, sho ya li taa lalekwa kaalongipamwe nayo mOnandjokwe, eti-21.12.1984.

Omusamane Mbango okwa hokololwa kuya sho a tameke mOnandjokwe, okwa li ha yakula kekulo, ihe omolwuukolele, okwa lundululilwa ilonga yilwe yokuyoga neshina noyo a adhika ta longo sho ethimbo lye lyokuvululukwa lya adha.

Omusamane Ambambi okwa hokolola kuya mOnandjokwe okwe ya mo e na oomvula 17 lwaampoka nokwa longo mo oomvula 47, omanga omusamane Mbango a ti ye ilonga mOnandjokwe okwe yi tamekele momumvo 1966.

Eendokotola 400 tadi indile eenghwatwa domuNamibia di mangululwe

Eendokotola omafele ane (400) dokument oda tumine Ngoloneya Ndai waNamibia, dr W. Van Niekerk eindilo la mana mo, tali indile eenghwatwa dopolitika muNamibia, di mangululwe.

Eindilo eli ola tumbula unene kondadalunde omadina eenghwatwa ngaashi: omusamane Eino Kudumo, omusamane Severinus Siteketa nomusamane mukwawo Leonard Shongolo. Aveshe ava otaku tiwa ovomoshitkulwa shaKavango notaku hokololwa kuty ova li va kwatwa po komatango ovakwaita vaSouth Africa pokati kajuni 1983 naApilili 1984.

Eameno lavo, oukolele wolutu nekonakono lo-paunamiti, oyo oinima ya pulwa i pasifikilwe kuNgoloneya Ndai noku va mangulule, ngeengue nani itava twalwa momhangu vo va pangulwe paveta.

(The Windhoek Advertiser, Desemba 6, 1984.)

NATU DHIGININENI

OONDJOKANA DHETU

Ondjokana nayi dhigininwe, oshoka oyo etsikilo lyeshito lya Kalunga. Ihe inashi uvika ko ngaaka, kutya elalakano lyondjokana oyo oluvalo aawe. Elalakano lyayo okukwathathana mboka yaali ye li myo. Gen.2:18.

Ngaashi omuntu ta tete oshitayi shomuti gwo ntumba e te shi tsike komuti gulwe, osho sha fa omulumentu ti imangeleke komukiintu gwe mondjokana neso alike tali vulu oku ya mangulula.

Shika otashi holola elunduluko enene monkalamwenyo yaamboka yaali. Osho omukulugwonale a tile; "Ondjokana odha yaali nomutitatu ote dhi yono." Omuntu kehe oku na uudhigu okulundulula uukwatywa we, ihe ekondjo nelalakano oli na okukala po, opo ya vule okuvathathana nokulongela kumwe.

Oshitya shono tashi adhikwa medhiko lyondjokana; okuninga onyama yimwe", otashi yelekwa nekwatathano ndyoka li li pokati ka Kalunga naantu ye. Kristus oye omutse gwomulumentu, omulumentu oye omutse gwomukiintu. Omulumentu ota tonatele ondjokana yawo yaa mone oshiponga, ngaashi Kristus okwa tonatela egongalo lye.

Mondjokana omu na omauwanawa ogendji nomauwinayi wo. Opo pwaa holoke uudhigu, aanandjokana naa tseyithilathane oompumbwe



Etameko lyoondjokana osho lya tya ngaaka.

dhawo, iinima mbyoka hayi ya nyanyudha naambyoka hayi ya geyitha. Naa kale wo nookume aawanawa.

Omaupyakadhi megumbo naga kundathanwe noku ga kandula po mbala. Kehe esiku ondjokana nayi koke muwanawa. Okulila pamwe, okugandja pamwe, nuunene tuu okupaathana ombili, mbika otayi kokeke uuwanawa mondjokana.

Opo ondjokana yi adhe kethikilo, nayi lalakanene esimanekathano, epandulathano, epukululathano, edhiminathanopo neinekelathano. Nayi yande wo iikolitha, uukwazimo, oluhoko, oluhondelo niifundja.

Ananias Iita

OVA SHANGELA NGE TAVA TI

Otandi indile nesimaneko enene koshigwana opo twaa yakeni po we iinima yaantu nokutha po iinima yawo koonkondo. Oku na aantu moshigwana shika taa kutha aantu iinima yawo.

Ngoka ho longo ngeyi, ou shi shi tuu kutya Ka-

lunga okwa tseyalilonga ayihe mbyoka noma siku ga tya ngaaka otage ku tege komeho?

Frans S.H.Tshitulen
Tsumeb

Kalunga Tate nOmwana Jesus Kristus na gandje ombili nohole neitaalo kaamwame ayehe. Esilohenda lye nali kale naa yehe mboka ye hole Omuwa.

J.P.Niikondo

Ovawilikingelesi, ovapangeli voilongo nokova pangewa atusheni, ohandi mu halele eyambeko la Tate Kalunga momudo ou mupe. Atusheni tu tungeni ombili, nde tapu kala omufita umwe ake noshuunda shimwe. Omudo mupe u kale u na elao fiyo exulilo lao.

Job P.Nghatanga

OWE SHI SHIIVA TUU? Kutya:

Kalunga Tate okwe tu fikifa modula ei 1985 kefilonghenda laye? Otwa fikifwa mo tu dule okukwafafana nokuyakulafana omitenge. Noneudo ohatu dulu okutungafana, okupukululafana nokulongafana.

Nomodula ei 1985, okangundulongekido konghalafano mu ELOC, pOniipa osho yo okangu ndu kokukwafa moalkoholi, mOnandjokwe, otau twikile oilonga yao.

Otungudu ava ova hala oku ku kwafa nokulonga pamwe naave.

Omuleshi keshe, okakololo a ka mOmukwetu, "Owe shi shiiva tuu," otake ku halele omayambeko Omwene nekwafo tali di kuye pombada.

Nandi pukululwe

Onda lesa mOmukwetu No.18/1984, taku tiwa cimbilo lyEhangano otali lundululiliwa moonote. Nena tse mboka inaatu longwa oonote otatu dhi longitha ihe ngiini? Nenge otaku kala oongundu mbali, yimwe tayi longitha oonote manga ongundu yimwe tayi imbi pwaa na oonote?

J.M.Asino

EYAMUKULO:

Aantu ayehe otaa ki imba ngaashi shito, inaa tala moonote. Oonote otadhi ka longithwa ashike kumboka ya hala okwiilonga nokaatameki mboka ye dhi longwa nale.

OMUKWETU

OMUKWETU

Oye oshifo shOngeleki Onkwaevangeli paLuther yomOwambokango.
Ohashi nyanyangidhwia mOshinyanyangidho shOngeleki mOniipa.
Omukuluntu gwoshifo omumbisofi Dr. Kleopas Dumeni.
Amushanga gwoshifo omusita Sebulon Ekandjo.

Ondando yOmukwetu muNamibia naSuid-Afrika R5,00 komumvo.
Palwe muAfrika R8,00 nokombanda yomafuta R11,00, komumvo. Mondhila R13,00.

Ondando nomambesitelo agehe naga tumwe kO mukwetu, Oniipa, P/Bag 2013, Ondangwa, 9000.

**EV.LUTH.OWAMBOKAVANGO CHURCH PRESS
PRIVATE BAG 2013, ONDANGWA 9000
SWA/NAMIBIA**